

迦

陵

詞

全

集

迦陵詞全集卷二十九

宜興陳維崧其年著

選

弟

維岳緯雲

叅閱

宗石子萬

男履端

校

姪賜薛

摸魚兒

家善百自崇川來小飲冒巢民先生堂中聞白生
壁雙亦在河下喜甚數使趣之須臾白生抱琵琶
至撥絃按拍宛轉作陳隋數弄頓爾至致余
也悲從中來併不自知其何以故也別後寒燈
孤館雨聲蕭蕭檝漫賦此詞時漏已下四鼓矣

是誰家本師絕藝檀槽指得如許半彎邏迢無情物惹我
傷今弔古君何苦君不見青衫已是人遲暮江東烟樹縱
不聽琵琶也應難覓珠淚曾乾處 淒然也恰似秋宵掩
泣燈前一對兒女忽然涼瓦颯然飛千歲老狐人語渾無
據君不見澄心結綺皆塵土兩家後主爲一兩三聲也曾
聽得撇却家山去

清明感舊

正輕陰做來寒食落花飛絮時候踏青隊隊嬉遊侶只我
傷心偏有休回首新添得一堆黃土垂楊後風吹雨溜記
月榭鳴箏露橋吹笛說着也眉皺 十年事此意買絲難
綉愁容酒罷微逗從今縱到岐王宅一任舞衣輕鬪君知
否兩三日春衫爲汝重重透啼多人瘦定來歲今朝紙錢

挂處顆顆長紅豆

春雨哭遠公

怪連宵暗風吹雨傷心事竟如許啼衫不恨分飛早只恨
論心何暮溪畔路昨歲裡善權艇繫垂楊樹洞門把炬正
古寺蒼涼亂山葱翠長嘯落松鼠 沉思極不是薤歌聲
誤從來易散難聚衰年故國逢知己天也把人輕妬情最
苦記前日文園一卷多情句病中親付怕碎墨零紈塵昏
蠹損和淚夜深撫

遠公臨沒前數日以青
堂詞一卷囑予收藏

早春雪後柬雲臣

雪初乾銀僵玉偃水牙猶挂簷霽瀌瀌春泥連巷陌間者
濶焉何久君知否聞說道還京節鎮喧刁斗鼙吟兕吼正
萬斛餘皇千群粗練將壓大江口 吾老矣那顧濤飛山

走長自尋花問柳春光滿眼原非惡况值小梅紅逗簫管
奏只可惜檀槽金縷人非舊催成皓首待三市月華六街
燈放同飲夜橋酒

哭王生

王生常數久作詞數百首詭云
舊作其數點如此故篇中及之

記年來百無俚賴聊將小令間做同巷有人才最斂艷句
頗能麋和花影簸寫小字斜行各色蠻箋大携來詫我任
厭柳豪蘇一宵立辨詭說蠹餘課誰能料彈指一坏長
臥傷心腹痛車過歷歷前游還在眼鄰笛吹來入破劉白
墮等浮世生前對語惟君可慎毋計左不信看城南王郎
新家夜雨綠苔沈

澄江客舍水亭前有野鶴二日飲啄行潦中余傷
其凌霄之質而辱在泥塗詞以唁之

倚西風徘徊勢壘細流淦淦如許月榭水軒臨斷岸落木
亂鴉無數誰延佇有兩兩幽禽莎徑頻來去柳陰深處者
滿陵蘆葦一川葭莢何計可留汝思前事處士亭栽梅
樹岳陽樓枕湘楚玉京碧海閒風景何限吹笙伴侶時已
暮剩滿眼鷄群鴒等爲公伍相憐不語笑古往今來事多
如此且聽夜窗雨

早春接山陽陸密庵先生札兼惠我月湄詞賦此

奉酬

悵連宵暗風吹雨春寒歇在簾罅忽聞鸚鵡籠中說誰送
香詞來也披咏乍似脫線真珠亂向窗櫺灑篇篇無價便
周柳纖柔辛蘇感激材盡出君下爲君說我有鵝笙麝
帕能將風月吟寫旗亭他日從君讌佳擬避君三舍君莫

訝縱牛嶠顧翼今日誰憐者花間曲罷又孟蜀宮前摩訶
池畔春草綠盈把

尊

憶家鄉此時節物四圍樹葉攢錦沿湖小弄菰絲滑已覺
水香微滲論食品應不數鷄酥羊酪侯門潘流漣那禁伴
玉膾鱸膾雪花鹽豉微雨小橋飲長安道惆悵愁潘瘦
沈誰吹淡酒初嘗粘匙凝盃知何限絕憶吳娘烹飪渾未
審笑洛下季鷹歸也還由恁思他則甚拚一夜西風五湖
船上倦覓綠蘂枕

朱牧仲謝方山曹實庵正子四先生招同人雅集

次日正子和沈融谷詞見贈卽依原韻奉酬

記宵來老顛欲裂要騎碧海鯨鳳銅荷燭淚熒熒滴占滿

衫兒嫌重繚桂棟記留住金鞭不放任奴控公榮伯仲任
銀井堆霜晶屏漏月藥玉半船東 吾生事須付酒經茶
董不然帶眼移孔杯聞忽憶家鄉好萬點暗香浮動亭楚
頌更一片鮮圓著外連唐貢晴蟾擊湧且浣却京塵欲將
冰枕低過簪窗夢

東坡買田陽羨欲於此闢種橘構一亭名曰楚頌唐貢吾邑山名

味窩絲糖

糖出大內遺製今西山一老中監向能為之後恐遂失傳矣

裊春燈赤瑛盤內絲絲縷縷難理平生說餅題糕興慣與
群兒爭嚼銅駝市曾趁徧賣錫小擔簫聲底何曾見此總
輪與筵前輕鬆纖軟弱雪不勝齒 摩挲罷髣髴夢華小
記依稀南內遺製當初赭帕低籠處分賜龍孫鳳子今何
似似宋嫂魚羹又似楊妃荔天家往事也不信宮娥曉寒
呵手搓得恁般細

蓮陂塘

題徐電發楓江漁父圖

問何人生綃滑笏，
披來寂歷如許孤蓬。
幾扇西風底滴盡，
五湖疎雨垂弱纜。
儘水蔓江蓑，信意牽他住。
寄聲魴鱖，總來固欣然去。
還可喜知我者鷗鷺。
行藏事不是如今纔悟。
浮名休再相誤。
人間多少金貂客，
輪却綠簑漁父。
誰喚渡早萬木酣霜，
紅到消魂處。
湛湛楓樹，又遙襯蘆花，
搖晴織暝，隔了半汀絮。

題龔節孫彷彿橘園圖

節孫蘭陵人卜居陽羨慕東坡之爲人故爲斯圖以明志

有蘭陵寧馨年少，
風前玉樹姚冶縛茆。
樹柵東溪畔正傍樊川水，
榭誰圖畫秋後霜柑百顆。
高低亞寒香，
暎射凝楚頌名亭，
追踪坡老。
此意儘瀟灑，
人間世總是騎牛。

舍休矜文采儒雅海山幾徧栽桑後萬事虛舟飄瓦蜀山下有蘇子祠堂老木曾連把如今盡也便結得亭成他年志遂後日誰憐者

余邑蜀山下東坡書院內古木數株皆幾百年物今剪伐殆盡偶感及之

夏雲峯 第二體

夏雨

楚簾生波湘簾著水夏淺勝春時候豆棚底心情小惡棟花外年光空逗記三春帽影衣香漫細數疎狂未居人後奈六幅蒲帆歸吳雖健却又愁如中酒况是梅天絲雨慙儘按藍野水點來都縐一生事秧車催去四月景蠶房捫就倚小樓看盡吳田只漠漠陰陰不堪回首且白練裙綠苔錢閒寫小詞懷古

金明池

東坡詩集卷二十九
五
憶亳州草堂東徐南高

陣陣樵風層層花浪中是康崇舊宅有不斷湖光杳靄遙
山翠陰霽皆滴老梅花玉儂銀僵更門外無數浦帆林笛
記衝酒橋南尋詩巷北細雨帽簷都側 一自飄流辭鄉
國剩露井閒苔和愁堆碧空廊鎖桐花半畝壞屋走松枝
千尺賴故人縛帶鉏園早爲我添修藥欄鷄柵料來歲花
開前村社散頻夢春城羈客

茉莉

海外水肌嶺南雪塊銷盡人間溽暑曾種在越王臺下記
着水和露初吐徧花田千頃玲瓏惹多少年小珠娘凝睂
奈買船無情茶船多事載下江州湓浦 姊妹飄流離鄉
土悵異域炎天黯然誰與燕姬戴斜拖辮髮朔客嗅爛割

駝乳望夜涼白月橫空想故國簾櫳舊家兒女只鸚鵡籠
中鄉關情重相對商量愁苦

臬署寒夜展鵲紅女史梅花書扇感賦

歷歷殘更沉沉深院坐冷官齋檠燭簷雨滴人聲漸悄又
廊外茶響將熟想外邊片片瓊英都解向紅板橋南堆簇
恨何計尋香無聊展畫小檢齊紈零幅 還憶粉娥調脂
盃恰和泪勻鉛忍寒皺綠簪花格紅欹翠弱沒骨精神全
韻足料霜毫寫欲成時視纖月如銀斜支臂玉且吟弄空
花摩挲秋扇也算探梅林麓

遼庵先生歸自吳門聞携有秋岳先生新詞作此

奉柬

夾岸輕陰滿塘細雨惹得亂帆堆綠片石上千塲簫鼓高

逃

臺後幾番麋鹿記舉橋近泰娘家恰梔子將開枇杷初熟
只白髮江潭東京遺老傷心南朝艷曲 近日征南軍馬
盛料不比當年家家絲竹水驛閉龍舟誰競烟舫歇蓮歌
莫續想連天森森長洲儘野鳥頻啼沙鷗輕浴且載得金
荃携將蘭畹歸當忘憂小錄

丙辰秋日書事

落落門攤寥寥間架報道新添賦額小市對蝸廬馬磨綺
陌傍朱扉畫戟總和他絮鐵錢醪一例載少府泉刀稅籍
有銅山兔脫金穴蠅營祇算黔婁陋室 瘦巷空壕風蕭
瑟儘堂燕幕鳥遯迹無術人競說天家權酷誰解學仙翁
點石便天邊月府清虛怕未穩瓊樓難安桂魄見敬業坊
前奉誠園外多少題門賣宅

咏鴈來紅

苔綠蒼琅蔓紫屈成閒鎖街南空宅見一片霜條露萼伴
臥礎冷絳如織想斜陽鴈背微丹斜壓下凝向枝頭堆積
似顚顚秋娘寂寥班女倦暉書欄無力 颯颯賓鴻南鴈
日正天水濛濛開河歷歷淒涼渡青溪柵口惆悵宿黃陵
廟側徧江南一夜西風便也學春鶯啼痕紅裊恨漢苑無
花唐陵少樹只染晴莎烟色

綠頭鴨

清和

翠陰陰頓染徧小園前後果然夏淺勝春一絲鶯穿窗透
幙滿街絮撲帽紫中挑笋偏宜脫綿乍可風光尤喜恰初
旬清和景水烟書就穀雨搓勻 漫因循溪山好在何妨

荷篠垂綸笑無端一場春夢問幾度百歲開身趁冉冉柔
青緩綠吟興劇鮮新烘朶玫瑰剪枝芍藥摘梅煮酒且娛
賓屈指筭盈盈桑婦漸作茶人

箇家

屢擬過紅友郊庄探梅連雨不止詞以柬之

五里鶯聲半村花氣南郊迤邐歸樵遙指君家近屋頭濕
翠窗眼疎香濺裙水漲落燈風緊准擬携琴也思側帽與
細箋離恨渡斜橋背山郭一片酒旗作陣隱隱詎知連
日烟迷楚岫柳髣全低雪壓吳天蘭心乍困贏得倚徧雕
闌日晚吹徹玉簫涼嫩况添西樓夜窗疎雨滴碎人方寸
便有日訪溪梅多管落英鋪粉

九日長安遣興

秋士心情女兒節物懨懨愁坐綠樽雖滿何心勸帝京此
夜鏤棗成斑煎酥凝獸題糕才健勝怕紛紛綉旗細裊點
綴侯門讌正新晴恣游賞天氣不寒不煖閒筭去年九
日有人樓上笑摘黃花斜倚西風任他簾捲今日懶覓登
高伴侶愁望秋槐宮殿幾度逡巡一番追悔且倚闌干徧
怕萬一鳳城邊瞥遇南飛沙鴈

己未九日蛟門招同諸子游黑龍潭次實庵韻

滿目新晴無邊野興休論萬事且須載酒題糕去靈湫鏡
黑从磴泥青有人言是老龍蟠處一樣重陽兩年羈宦往
事零如雨被游人間昨歲破帽猶然存否重晤竹西詞
客別來京國亟拉吾徒洗琰持螯翩然豪舉只憶深院小
黃花朶空顫釵梁髻縷獨夜茫茫他鄉惻惻飲罷迷歸路

風急也白楊邊颯颯定和誰語

畫屏秋色

西城秋眺懷緯雲弟久滯都門未歸用夢窗詞韻
放眼孤城側落照前一派傷心秋色疊浪喧豗怒濤澎湃
西水關窄聽黃葉村中乍揚砧響旋復抑釀晚烟如此碧
更節近茱萸天連烽火不許離人此夜不成思憶 前文
蓮銅暗滴夢重逢帝里艷飾錦筵銀瑟弟酬兄唱燭紅殘
白睡醒後含愁寄書盼斷無去翼念久客誰舊識囑付暮
雲知今宵消盡也得人在暮雲以北

白苧

早秋飲蓮庵先生宅隔牆聞絃索聲

淡銀河映缸面紅鱗微白蕉軒梧徑雅稱秋晴 歷更裳

醉臥花叢并徧徧籍快意儘樽前休苦問戰旗消息日沒
松岡再向空塔布席有萬斛西風把小墀都拭疑惑幾
層薜荔一帶綠垣何來遮響高下玲龍之極久知是隔院
檀槽低摘淒淒四座似蘆花楓葉潯陽夜船惹得今宵無
數吟蛩墻下於邑併入哀絃倍作涼颼激

春風裊娜

甲寅元夜

記舊時元夜月挂紅樓釵影亂笑聲柔火蛾兒簇着凝粧
艷粉輕盈妖冶打塊成毬的的春嬌溶溶夜景夾路銀花
爛不收一曲紫綃催薄醉六街絳蠟試清謳誰料一天
冰彩化爲絲雨隨風去灑徧皇州紫蝶翅困鶯喉誰家拋
盞何處藏闌微雪猶零怕沾鞋印碧雲未合莫上簾鉤風

光非舊歎傳柑佳會今年換做萬里邊愁

正月十二日同陸翼王宋旣庭吳志伊慶百徐大

文葉九來道子李秋森游白塔梅檀諸寺

被東風入戶喚作春游新霽動峭寒收望崢嶸太液龍堂
鳳翔參差上苑碧甃銅溝元夜風光天家亭館樹已將花
人少愁帽影帶晴薰御陌鞭絲和煖糝皇州經過梅檀
綉利蓮幢芝蓋行人說翠輦常留金犢穩雪蛾柔一車鶯
燕十里驂騑舊族崔盧花翎茜袖新粧秦魏秀鬢明眸獨
憐高處有塔鈴碎語當年此地遯后粧樓

引駕行

東旣庭

全吳館內破楚門邊十年事記冶遊作使與卿並倚吳闔

清狂簾前壁月橋頭畫轂鉤轆畔游閒公子紅燭銀箏醉
玉溫香平康況曾經邂逅枇杷巷口掃眉娘想那日妖嬈
喚馬藥欄微雨碧城涼難忘無端一別腰身瘦盡東陽
奈曉風殘月夢回酒醒往事微茫堂堂問江東士女塗轍
誰令我輩妨料章華才子也應點雨鬢吳霜

十二時

偶憶

綿濛二月如酥雨做出銷魂天氣更獨客冷冷清清地拚則
向紅篝倚燈地香焦天寒酒醒往事難提起想那日元夜
迷藏襖日鞦韆人在綠楊絲裡更當初戟門嬉戲一部
烟花軼記簾畔分釵屏間惜曲無限慙慙意便海棠月上
夜深誰放花墀奈幾年飄零羈旅已隔千山萬水昨歲

銅街記曾一見隱隱卓金車子恰柳花如夢又早香輪過
矣

觀獵

儘生平骨偏騰上那識世間劉表嗟落魄古長安道市上
荆高又少見說城南群公會獵撫掌轟然笑有十隊細馬
輕裘硬箭強弓圍簇盤鵬綉襖往觀乎且爲豪耳莫以
粗材相訕斛律諸人敖曹若輩馬上詩偏妙倏瞥鳴餓鵲
拂林迅落飛鳥坐平岡燎狐炙彘燕女如花迴抱熱洛
河斟婆羅門舞渾不似彈邊調只李陵安在碑前野鳥群
噪

蘭陵王

春恨

香腮托人與梨花俱弱東風外斜壓香衾感損瀟湘遠山
角鏡鷺空掩却愁覩玉肌減削又不是中酒傷春盡日沉
吟倚粧閣 唾花裙上落奈紫棧纔溫紅綿正薄水晶簾
額輕寒絡更陣陣春雨懨懨殘日小樓欲睡那便着且自
漱春酌 飄泊舊時約只柳綿花絮年年如昨綠徧平蕪
天又各念馬嘶門外聽來常錯清明寒食無限恨燕子覺

秋况

倚簾閣爽氣直通寥廓涼瓦上澹澹初暘影似干將淬秋
鏑搗衣聲亂作響入愁人院落西風峭陡把素砧攪入霜
天白翎雀 曲終睡還着夢匹馬長城迤邐沙漠渾河路
黑探兵錯見都尉毳帳賢王獵火敵樓颯颯起鵬鶚下短
草如削 驚覺倍蕭索漸暮色龍愁水烟噴薄夜蟾早逗

東牆角炤滿地青桂半街紅藥可憐月底又送到深巷柝
咏閨人鑊錢

粉牆側風遞綠窗信息琅然響莫是青錢鑊入苔痕竟無
跡輕圓留不得小玉春纖低拾喧笑處競理輸贏朱汗龍
綃背人拭春慵倚窗榻漸搓柳沉思掐花追憶人生幾
度逢寒食怕連朝風雨滿城烟絮韶華浪逐榆錢擲一文
便難直小立悶還積筭幾篋青趺半貫赤仄卜多字蹟
都侵蝕且潛買歡笑強驅愁寂團圓嘉識把五銖看似歷
歷

大酺

七夕坐客大合樂漫賦

歷歷銀鸞簾外落又是一番節序今宵停寶杆正南部烟

花西風牛女端正窺簾輕狂換盡多少良儔俊侶有白髮
何歡青春張緒流商刻羽漸露濕瓜筵月穿針孔紗幮無
暑 醉搖梔子樹是鬱金堂後西偏路誰知道三生杜牧
前度劉郎重來還到聽歌處鈿盒一朝分記不起長生私
語算此際情偏苦離多會少豈獨天邊河鼓客且歌完全
樓

溪行野店小飲卽事

正野塘邊春帆底水膩吳綾一束看看寒食到小梅英粧
褪暗彫香玉杏蕊撩晴鶯雛拂曉幾對鷓鴣爭浴板橋西
客店颺酒旗作陣帶烟斜撲有秀靨映門嬌波窺戶當壚
情熟 篙師休浪促夾衣解貰飲何須贖君不見一生惆
悵半世因循吳霜偷換修蛾綠况聽關山夜流多少從軍

笛曲拚美醞傾千斛轉船解纜社燕風簾相觸泥香輕墮
數簌

題毘陵海烈婦祠用片玉詞韻

烈婦徐州人流落
毘陵艷色爲漕卒

所窺迫之
不屈而死

悵廟竿紅垣衣碧門外銀濤雪屋群妃蓬島讌御天風來
往釵鈴戛觸寂寂小姑情情聖女苦鳥啼歸修竹古苔壞
牆滿任脫韁石馬畫廊眠熟歎螺髻煤殘蝶裙灰燼夜長
人獨 靈旗歸太速神絃歇醉覲扶華轂可惜是亂水彭
城舊家小沛望鄉徒極登臨目入不言今出學唱箇秋墳
鬼曲怨青塚留江國斑斑恨血土花墳起紅菽水腥打滅
翠燭

迦陵詞全集卷二十九終

迎陵詞全集卷三十

宜興陳維崧其年著

選

第

維岳緯雲

參閱

宗石子萬

男履端

校

姪賜薛

瑞龍吟

送董舜民之廬山用周美成春景原韻

西江路多少
湓浦波濤鞋山烟樹相傳白傅當年月明送
客青衫濕處
船須竚記得南康一郡大江門戶此中萬
疊匡廬夜深毛女綠崖笑語
君到試窺峭壑縈紅綠碧
獅蹲豹舞第一爲訊棲賢可能如故捫蘿剔蘚好劃紀遊

句只休望楚江赤壁吳天瓜步怕事隨潮去望時又惹高
人愁緒短髮搔千縷君且坐峯頭拈花成雨晚來拍手白
雲堆絮

春夜見壁間三絃子是雲郎舊物感而填詞

春燈炮拚取歌板踈紫舞衫塵灑屏間乍見檀槽與秋風
扇一般斜挂簾兒罅幾度漫將音理水絃都啞可憐萬
斛春愁十年舊事慊慊倦寫記得蛇皮絃子當時粧就
許多聲價曲項微垂流蘇同心結打也曾萬里伴我關山
夜有客向潼關店後昆陽城下一曲琵琶者月黑楓青輕
攏細研此景堪圖畫今日愴人琴淚如鉛瀉一聲聲是兩
窗閒話

夏景

天將曙黯淡殘月窺窗朝霞映樹起來喚婢移床貪他井
畔早涼無數 悵誰與俄頃碧雲低捲火輪高吐海天萬
里炎蒸渴龍夭矯陽鳥旋舞 恰喜水邊桐際風簾瀕洞
曠然無暑長晝且將馬蹄秋水閒註松風小沸親柝旗槍
煮還消受竹肌墜粉荷珠跳雨漸漸斜陽暮亂蟬嘶到最
消魂處茉莉枝頭乳浴罷碧闌干簫聲一縷無人只有冷
螢來去

西平樂

王谷臥疾村居拏舟過訊同南畊賦

篠里東偏俞山北舍中有隱者茅堂鄰圃鈔書隔溪賒秫
一村風雨歸庄歎壁向霜天陡立骨爲殘秋太瘦多時曬
藥西軒終朝行散南崗我買烟舫過話柴門下深巷劇空

蒼 只須剪燭無煩烹韭欲與君言竟上君床君不見石
鯨跋浪鉄馬呼風今日一片關山五更刁斗何處乾坤少
戰場且擁孺人相携稚子讀易歌騷把酒彈琴強飯爲佳
慎毋憔悴江鄉

春夜寫懷

象管慵拈鵝笙懶炙春困斜倚圍屏往事難追舊愁易惹
更添夜雨淋鈴記一騎衫痕似血半夜簾紋如水鳳凰橋
上吹簫蝦蟇陵下呼鷹幾處鞦韆綠水風弄影篩碎碧潭
星 秋娘一去酒徒何處萬水千山有影無形縱有日黃
遊洛下再過秦川鶴髮相逢話舊覓徧樓臺祇剩寒鴉隨
亂螢十載浮名半生故國且剩閒身野寺山家布襪青鞋
花前到處飄零

玉女搖仙佩

客大梁月夜感賦

客愁無那何日歸程真向江淮起
柁惱殺天邊一輪明月
掛在玉津園左
照着悽涼我又鴈飛牆角
馬嘶城壕枕稜
畔如水似鐵仰視中庭數點星
願便有夢還家生怕更樓
已曾合鎖
孽阮薰香都情祇剩續紛簾影對人低簾暗
數從前宜和風景多少花驄鳳舸此夜誰端坐匿笑處顛
立幾行釵朶想又是天街似水梅花糝地內家一陣香車
過遙映着樊樓燈火

登姑蘇玄妙觀彌羅閣

仙壇寵從複館飛簷架在蓮鬚藕孔
刻畫仙靈雕鏤龍鬼
百怪躡梁拱目眩神悽恐更閃電金泥綃窗月湧到烏

雀更無聲處。恍惚瓊樓寒氣微。中童女守丹爐。碧奈花前。
玉笙閒弄。前度劉郎情重。笑拍闌干。何限塵埃。蠟燭銀
漢茫茫絳霄寂。寂訴與舊遊鸞鳳。淚灑鮫盤。凍吳宮事只
恨當初。蠶種空留下湖山。幾點蘇臺一帶年年。花草昏如
夢。東風外綠波微動。

咏水仙花和蓮庵先生原韻

海國春深。洞天日晚。飄下幾枝仙蕊。望去疑無。看來入畫。
朶朶風前擁髻。欲取餘花比。奈緋桃綠柳大都難似。勢難
是楚天如夢。湘水如苔。月明千里有三兩。鮫人。群弄明珠。
凌波涕戲。今夜空廊單枕。酒冷香焦。忽墮花前。閒淚憶
得年辰。那家庭院。細雨簾垂。丁字人與花同。倚說不盡。此
夜一欄空。翠誰信道。畫樓天遠。綠窗人去。看花長恁慙慙。

地料花也舊情還記

多麗

題余氏女子綉陳思洛神圖爲阮亭賦

問多情、今古誰堪雄長也。無如曹家天子、西陵臺上、虛帳更傳聞。東阿子建、少年情緒、駢蕩水上明珠波。間翠羽、洛神一賦、神飛魂憶、只一事、家王薄行、難對中郎將。恐他日黃鬚兒子、亦起非望。又剪出、輕雲態度、綉成流雪情狀。歎香閨一雙纖手、比似文心、誰踰亮。便使當年袁家新婦、自臨明鏡、圖嬌樣也。還怕傳神阿堵、宛轉須相讓、凝眸處、婀娜華容、千秋無恙。

爲李雲田周少君寶鑑題坐月浣花圖

平韻

暖紅篝、月輪斜挂、粧樓恰雅。飄香閨、心性下、墜小試蓮鈎。

好風飾窗紗。影碎涼露浸。簾幪紋流裙帶微。飄玉奴私語。
人生易值此宵。不何况是楚天巫峽。李漢陽人嫦娥別種清幽。
羨此夜月光。人面端正溫柔。漸滿砌。斲紅藥如啼欲。
睡疑羞倩。輕綃秋棠宜。盥央小玉夜合。將收更與傳言月。
波堪昏。莫問銀床玉井。頭想像處。花前人月。永夜費凝眸。
還只怕畫圖難肖。搗管增愁。

劉公駭吏部每爲余言蘇門百泉之勝。冬日行汲。
縣道中遙望峯巒幽異。未及登眺。感賦一闕。并
以寄劉。

記劉子語我蘇門山好。更百泉澄泓。蕭瑟雷輶千尺銀瀑。
亂松崖經聲夜落。古稍溪樵風晨噉。壽栢癭藤危梯惡棧。
山無不樹。樹無不鳥。徑谿谿數間。虎落時響。幽人銑脩然。

也指間絃歇山前月曉 一自渡桑乾河水馬頭恒向西
笑擬十月寒衣手綻來作山村荷蓀太息塵踪難攀仙境
重來猿鶴應相誚祇望見蒙茸羃歷一派青難了回頭聽
似有人兮山半長嘯

冰

玉壺中井花徹底都凝訝漣漪風吹難皺潺湲一夜無聲
太玲瓏鱗堂貝闕偏礪犖玉斲銀屏烈士心邊佳人肌上
一種晶瑩彷彿曾還應似飛仙劍俠灰冷萬緣僧都只被
奇寒苦凍鍛鍊纔成 記前冬蘆溝南下歸舟却阻河凌
四絃彈頗黎劈裂萬槌擊琴筑琮琤玉駭蛟愁珠飛兕吼
蓬窗千里夢魂清回頭笑京華炙手歲歲火雲蒸還虧煞
沿街六月喚買凉水

清明兼上巳

巳丁

算風光依稀纔過傳柑又取次韶光媚眼今朝三月逢三
映一行水邊粉屨立幾簇橋上紅衫皂莢園中丁香樹下
春人影落百花潭又何處東風作陣吹綻碧桃緘從古是
清明上巳兩好難兼 恰經過幽坊小市衣痕髻纓廉纖
翠蛾招流觴巷北黃鶯喚潑火城南艷粉墻頭紅香帽底
花枝婉婉礙晴簷爭留住錫簫戲鼓准擬待新蟾歸來墮
梨花院宇情緒懨懨

初夏同雪持南水放庵游南嶽小憇楓隱寺

弄微風城南賣酒旗偏且屏當笛床棋局停橈第五橋邊
嶺濛濛如將着雨波細細尙未成烟妙欲生香空能釀翠
人家四月焙茶天迤邐處松脂石骨碧暗寺門前僧寮好

窗中籬笋厨下山泉 試低徊亭臺金粉曾經烘染多年
畫廊欹半龕佛火雕欄換一抹寒田誰向行人頻提往事
小樓鶯語最輕圓支願久危岡亂木暝色漸蒼然徐歸去
群峯帶我晚髻尤妍

箇儂

卽六醜楊升庵易今名

孫坦夫招飲女史澹客家分賦

轉辮蓮巷左見梵字粉紅牆角恰直箇儂曉粧勻面藥花
冠嚶嚶正蟬窗象格西風輕颭有碧桐花落蘂紈秀鬢工
調謔人是雙文藝精六博種種玉織花弱喜宿醒微析春
心猶惡 酒狂如昨但人生行樂此際秋娘最憐輕薄樽
前况有韓嫣碧雲天偷撫鸞簫低學更主是多才孫綽平
康巷膝席分曹滿座雄談馬稍囑金吾莫收更鑰別來時

斜倚朱闌口偶然思着

丙午元夕雨

聽今宵疎雨也算做一年元夕舊事流波一往如何覓香
街馬跡記常年燈市鞭絲帽影有許多相識闌珊燈火梅
精立雅淡衣裳輕盈姿格人月同時一色便旁人也道此
是秦虢萍踪頓隔怕舊時李益昔日君平無人憐惜簷
前點點滴滴似替人流淚學人悽惻拚此去花朝寒食都
只向雨雨風風趁盡春光九十紅篝擁夜寒側側擬此情
并春柑傳與何由寄得

秋日將往吳門先寄園次澹心展成旣庭諸子

倚晴闌極目見檻外吳山如積罷酒登艫尾烟篷浪舫舞
破空碧問館娃何處亂鴉啼換了水鄉江國渚蓮低掩紅

衣泣似倚寒塘暗傷斜日將愁惹他行客恨千年霸氣彌
望陳蹟故人寂寂住盤門小宅臨頓荒園蕭然裙屐來
朝候我簷隙准秋燈夜綠對床同剔奈烟郭猶遮數驛且
趁着萬頃洞庭縹緲挂西風席船娘唱水面爭出共江關
一片參差櫓更聞聽得

夜半樂

春夜觀小伶演葛衣劇

任西華故事也

當時江左才調樂安任昉風麗推無偶記驃騎陪軒秘書
把袖青宮好士朱門結客更聞出入宮輦翱翔苑囿奈玉
樹人世偏難久諸郎憔悴至此西華東里南容北叟漫細
數平生密親懿友葛帔誰嗟練裙疇惜可憐野鮮動輪門
稀漬酒想此事將毋古今有閱此不覺滿瀉瓊舟狂斟

玉斗我論絕交君信否
倘然疑君再聽當筵紅豆
筭蘭樽何必籌身後清歌
且喜簾垂綉

六州歌頭

邗溝懷古

江東愁客隋苑暗經行
鶯語滑游絲細夾衣輕
正清明追憶當年此際
樓臺外鞦韆畔棠梨樹垂楊渚玉簫聲
一自風烟滿日傷心煞
水綠山青看江都雖好舊跡已飄零
憔悴蘭成意難平
念寄奴去黃奴老
今古事可憐生回頭
望隔江是石頭城
草縱橫樓船南下日
君王醉未曾醒
宮車出晚鴉鳴
使人驚惟有一江春水依稀似舊日
盈盈想參軍鮑照欲賦不勝情
此恨曾經

竹逸齋頭閣馮再來所著滇攷賦此懷古

披圖長嘯發響劃巖巒日南路真萬里扼雄關是苴蘭憶
昔繁華日輦寶布輸茵醬焚僮麗賤錢重雜花丹靡莫
泔舸有幻師爨弄善舞能彈更五溪六詔縈繞點蒼山鳥
道屏巔峭難攀歎今古事多割據瀘水黑甚時乾昉町國
哀牢郡笑征鞍不曾閑莊躋開邊後蒙氏廢段家殘離
宮壞金輿杳沒諸蠻髣髴三郎去淋鈴也何日回鑾祗昆
明劫火映戰血成斑羅袖紅殷

春霽寄興

連朝陰雨愁煞嫩寒餘今晨起驚霽色晃堦除上人裾盟
罷抽書讀哦騷易緒莊老纔散帙旋掩卷撚吟鬚試聽
春禽碎語低頭想有箇僧廬翠畦恰半畝旁用竹闌扶樹
影蕭疎着花初又前村外斜橋畔烟羃屋徑紆徐挑酒旆

搖歌扇喚提壺小花奴正接天裙幄沿綠水匝平蕪念
此樂真忘死擲吾書叔子固云佳耳較雀臺諸伎何如一
生幾兩屐彼歌者誰歟且往觀乎

小諾臯

夏雨

密灑修梧輕敲疎竹一雨碧天如此正日長亭院無慘羈
人徙倚滿目烟潭草閣多少紅蘭白芷更明珠瀉向荷錢
容裔極浦沉沉前汀瀾瀾又小樓玉簫和雨吹入愁人心
裡無限事思量起此際凭闌幾回推枕總是故園千里
忘不了冰簟生寒玉釵著水風景而今依舊無奈鬢絲不
似攆流落楚尾吳頭而已今夜樓中明朝蓬底便瀟湘宋
玉悲秋未必此情堪比天欲暮雨不止

溜

寶鼎現

甲辰元夕後一日次康伯可韻

是歲元夜月食

星橋未瑣火樹仍放風光清綺薄不散游童白馬雜香笙
簫闌寶砌香奩畔又夜情思整笑看蘭缸結葉漸耿耿金
波萬頃一派天街似水 昨夜辜負無眠意枉費盡描朱
刷翠問天上素娥因甚杳若秦樓嬴女吹倚桂樹盼廣寒
車騎無質霧迷三里元宵夜一鈎殘月仄在碧雲堆裡
幸值今宵重輪現泰階重履只鄒枚漸老何日宸游陪侍
趁良夜向春城醉醉語如花使歎光景好處難圓月也與
人無二

題定武蘭亭初榻和遼庵先生原韻

筆精墨妙風雅相尙當年爾爾論戈磔爭誇典午人擅非

花兼蠶尾誰第一是右軍逸少庾翼家鷄莫比

庾翼書云兒輩處家

鷄愛野雉皆學逸少書須吾下當此之

有妙帖鵝群裏鮐神蹟尤矜修禊

一自賺入梧宮閉伴寶衣長殉幽翳還幸得榻來定武石
本離離騰古翠視渾化與光和兒輩色闢鷄彘象簋供歷
代君臣清賞流徧深宮禁邸 人世滄桑閱幾度劫灰馬
矢歎龍僵虎踞波及魯魚亥豕指老眼向殘縑裡滴透銅
仙淚痛多少玉盃珠箱鬼賣長陵夜市

怨朱絃

寄菑川畢載積使君

憶水嬉天氣鮮新蘭葉離離燕子紛紛賣餠時候韶光妖
冶撩人樂游原上平康曲裡舞衫歌扇如雲更廣陵水色
半是堆藍半是拖銀樓上珠軒九曲船上湘簾四面一樣

無塵還爭羨綠楊低處刺史留賓 正吳娘細繪紅鱗玉
簫作使綉簾橫陳小史菱花妖童荷葉宜笑宜嗔嬌歌一
曲美酒千巡忽見夕陽零亂且隨著裊裊金鞭隱隱香輪
早辦兩行燈火留待參差歸騎同入城闌奈此日依稀記
省事已前春

穆護沙

題茗中沈鳳于孝廉被園偕隱圖

吮黛調鉛素偃霜毫渲染如許是東陽才子蘋洲詞客歷
倒秦觀賀鑄携孃孃吹簫樓上侶小葦個短籬疎圃藥砌
畔紫葳薤放花架外玉鬚髭吐嫩紫嬌黃長紅小白烟條
露葉倩誰梳恰曉粧纔罷手香輕摘人在綠窗語 惆悵
襟懷誰訴鎮相看卓家眉嫵正春衫對挽蠻牋低墮情知

粉郎新句怕笛伎等人歌易誤須紅豆今番親譜小立有
簾前桂子授意把碧簫潛取拊搗偷聲商量減字月波浸
微畫屏虛向前溪更滌冰甌宵闌煎顧渚

三臺

春景用万俟雅言清明原韻

又紅閨掛殘斜月香塵鏤完微雨整飛蟬一望碧虛前見
皎鏡溶溶南浦風光汎漸蘸垂楊縷三春景如花似霧鞦韆
社淡日濃烟蹴鞠隊簫箏急鼓料鳳城鈿車寶轂不住
紛紛來去喚桂子小玉報花香日煖與隔牆隣女踏青
須結伴東郊路看多少綉簾珠戶喜今日滿院晴絲怕明
朝一庭落絮更杜宇喚取春老榆錢壓將春暮憶去年元
夜玩燈時曾立在火闌珊處轉盼又星橋燃蠟炬鬧蛾兒

紅樓紫府休沾惹竊玉閒愁且安排尋香公務

拋毬樂

咏美人蹴鞠

聞道凝粧多暇蹕嬌婢勻面緩了絙額初竟纖纖眉嫵
蕪畫穀翠羽低飛墨香閣紅襟新乳正好作劇尋歡小疊
魚箋遍約嬉春女向暖日紅樓商量細數氤氲粉澤喧闐
笑語筭白打鞦韆和格五總然無意緒且水晶簾畔斜穿
鞠域相邀同去此際綽約輕盈嬌花百朶瓊枝一樹寶
釵鬆羅襪小爭流絳綃窮袴玉醉花欹吹亂紅巾幾縷一
泓香雪臨風慢舞芳髻似滾瓊閨絮更香毬將墜最憐小
玉多能傍欄邊波微步漸蹴罷春愁扶髻影嬌喘渾無語
小換輕容滿身紅雨

稍過

咏彈箏

何處放嬌矜。羅裙上一寸銷魂地。倚桃笙。恰恰罷梳頭。正是恹恹天氣。上青樓。輕攏鬢。乍捱纖筩。萬種情如水。正搭定。鮫綃。粧完義甲。十二鈿蟬櫛。比對玉荷清影。顛瓊枝。又小語流鶯上柳絲。慢撚斜搗鬢。驛衫偏那人情味。似秋夜。楚天急雨。彈入空舫裡。鼓神絃。含商嚼徵。盡伶仃拍碎棠梨。唱殘紅豆。一雙玉剪。低還起。印粉痕圓。凝愁聲重。碧到眉峯。無際怪窗前。簌簌落紅輕墜。見十五檀奴綠窗西。要竊聽曲中私意。不覺閣住銀簪。婉轉籌身世。種玉前緣。簸錢舊事。脉脉紫牽不已。家鄉秦隴。幾時歸此。曲可憐猶在耳。

酒後東丁飛濤卽次其贈施愚山韻

大叫高歌脫帽驩呼頭沒酒杯裡記昨年馬角未曾生幾
與公爲無是君不見莊周漆園做吏洗洋玩弄人間世又
不見信陵暮年失路醇酒婦人而已爲汝拔劍上崦嵫令
虎豹君門勿然疑古人有云雖不得肉亦且快意君言
在遼西大魚如阜海無際饑咽冬青子雪窖人聊復爾土
炕夜偏長燭花空湧琵琶帳外連天起更萬里鄉心三更
鴈叫那不愁腸如醉我勸君莫負賞花時幸歸矣長嘯復
奚爲算人生亦欲豪耳今宵飲博達旦酒三行以後汝爲
我舞吾爲若語手作拍張言志黃鬚笑捋凭紅肌論英雄
如此足矣

讀彭禹峯先生詩文全集竟跋詞卷尾兼示令子

中郎直上兩君

自古穰城。從來宛葉。嶄絕誇形勢。有千年。諸葛臥龍岡。蕭蕭英魂霸氣。其西引武關。商於六百。昔人以戰爲兒戲。其南控襄樊。析鄆房竹。常產畸人烈士。公也。生值亂離時。好說劍談兵。射且騎鬚。作頭張箭如鷗。叫言天下事。噫。此世何爲巖疆好。以公充餌。焚爨牂牁地。鬼燐生鼓聲。死猶記靖州城。連營賊火。楚歌帳外。淒然起。公左挈人頭。右提酒盆。大嚼轅門殘齒。奈縛他烏獲。瞞漸離。則女子傭奴。盡勝之論。通侯羊頭。羊胃。吾讀公也。全集有刀聲。戛觸人聲。嘈噴舞聲。絳繚更難。筑聲淒異。忽然牛飲酒池聲。又鬼聲。啾然林際。

會庭間至

有客蒼然萬里而來。精悍眉端做。訴蹉跎。少壯迅流波。筭
狂奴半生磊砢。炙轂蹀高談直。驚帝座。周旋與我寧。爲我
嗟。廿載河湟。全家關隴。虞兮其若之。何況赫連城下虎腥
多。更無定。河頭毒龍。窺夜少。驪房馬腹中間。斲訢竟臥
邀羌女。秦娥豪豬皮。染茜紅鞋脫。帽侮群帥。醉來遑恤。其
他奈少婦窮邊。三年淺土壤。羅裙被楓根裏。遂不覺神傷
悄焉。淚濕浮生。漸識因果。乃豪氣狂踪。盡摧挫。向法鼓齋
魚修梵課。更誰知劫風吹墮。今年作事大謬。又振蘆溝柁
道上。路鬼揶揄。近日前輩。何其計左。東風下第。渡滹沱。笑
洛陽黑貂裘破。

戚氏

東程邨文友

想當年黃公壚畔興翩翩盤馬雕龍春風門巷盛貂蟬有
鄒陽董相一時賞譽重琅玕畧記旗亭遊處都相似爾我
周旋自許上流人稱名士終朝蹋臂紫牽更兒呼德祖弟
畜灌夫意氣無前憶唱綠幘金丸風流放誕並坐響鵲
絃髣髴是巷名金線幕號紅蓮回中下杜油壁雕鞍曾經
墜粉遺鈿狂奴滅未癡人死未訢厲語亦相憐分携成
舊雨酒闌追省一往淒然同學少年雖健奈酒徒散盡不
堪言道政坊頭延秋門外憶了千千萬萬論窺簾映柱人何
限都分付碎雨零烟念故人一樣艱難總蕭瑟江南更子
山寫瑤琴怨我彈未了又怕君彈

鶯啼序

春日游平山堂卽事

三月雷塘口，多少游絲浴。鷺正欲澹文，穀初平金溝。種滿
芳樹，屏幕津樓。斜蘸水，軟韃春院開，吹絮喜夾衣初試。艇
子一雙搖去，羣陣翼絲層層，簾影齊問平山渡。隔船紗
裊裊，亭亭影落，漾波深處。照菱花水面，明粧唱竹枝風前。
詩句又東園，芍藥纔紅，金鈴爭護。蘭橈小攏，看遠徑裙
花漾塵微步。漸鋪遍，氍毹玉笋飛觥。春纖拂素紅子低敲。
青梅小摘，欄干却立，頻回顧。慕地見玉鈞斜下路，傷今弔
古。黯然偷注橫波，此處是隋皇墓。幾番怕恨，流水東風
往事，渾無據。且趁江流正滑，好放蜻蛉慢掃。紈扇重歌金
縷。填翠將沉船頭欲轉，菜苳灣子紅橋下。妬游童寶馬將
人覷。可憐此際，歸來兩岸，榆錢一天絲雨。

蘭陵邵子湘有畫像五幀一展書一課耕一垂竿

一游嶽一蕉園索景題詞余因賦是篇

六圖執卷堂前後蕉黃竹翠環牆隙激水鏘鳴瀾瀾聲循
簷際中有一人攤卷讀不知所讀何經史想讀當佳處時
復奮袂抵几 其一江村滌塲納稼髣髴柴桑里敝村扉
箕踞松根揮斥田奴疆以映斜陽老犂驅來漾新曦籬鳬
驚起芍陂樗杜足平生千塲磴確 一圖泛艇濕徧船頭
綠簫是洞庭烟水軟幔障疎櫺斜裊茶烟細縈溪尾釣得
鰲來曬將網去撥棹入江鄉漁市其一圖竹杖還櫻履屨
巒疊嶂秋深槲葉參天夜靜松花滿地 廢箸沉吟輟耕
太息往事都非幾何苦上書北闕侏僚無成種豆南山蕪
荒不治龍爭七澤虎鬪千山釣名釣國終非計便終南捷
徑徒爲爾亟圖翠蔓青藤峭石枯團放吾軒墀

豐樂樓

辛酉元夜

上元許多往事，摺疊殘倦，寫對皎皎一片冰輪，背人鉛淚。
偷瀉記年少，心情百種拋來都付傳柑夜月，將圓狂到收。
燈那宵剛罷，要識狂奴踪跡，除是問寶釵羅帕喜人月。
一色相看盈盈堆滿，簾粉墻西火，顰低旋軟，慢左飛蟬。
頻卸也曾招花朶，般人倚風輕罵。誰差詞客去作官人。
舊情仍亂惹，況今歲鳳城中，烟柳外，添了萬盞晶籠水邊。
斜挂獅蠻假面，參軍雜幾綉帷，飄得天街滿，更夾路香謎。
憑人打鶯鶯，獸襖幾許牙帳，毬門彈壓紫陌坊瓦。昇平。
士女京國樓臺，荷九重放假，囑閭閻鷄人漫唱，月總西沉。
人忍空辜舞場歌榭，緩扶薄醉，御溝斜轉前門小，立偏妬。

煞綴犀釘釧聚繚垣下往來月裡摩挲多被春識絮伊情

話燕京風俗元夜婦女競在前門摸釘爲戲相傳識宜男也

跋

先伯兄中年始學爲詩餘晚年尤好之不厭至于贈送應酬往往以詞爲之或一月作幾十首或一韻疊十餘闕解衣盤薄變化錯落幾于昔人所謂嘻笑怒罵皆成文者故多至于餘古今人爲詞之多未有過焉者也伯兄存日有烏絲詞一刻身後京少有天藜閣迦陵詞刻猶非全本蓋至今子萬弟所刻而後洋洋乎大觀矣揚子雲稱雕蟲小技壯夫不爲填詞尤其小者不過聊同棄日差賢博奕耳疇昔之日嘗戲語阿兄云兄詞如此之多不難爲梨棗耶兄笑而領之假令伯兄至今存恐亦未必盡付鋟板四弟勇往賈銳有進無退以下吏窮官作此舉不量其力幸而成是然而憊矣詩曰豈無他人不如我同父言及益慨然

增棠棣之重也伯兄後死有弟三人乃獨四弟仔之粹成
寄索跋因書以美四弟且誌維岳之愧而已巳巳冬杪弟
維岳謹跋

跋

先伯兄詩古文于丙寅丁卯兩年節俸金次第付梓惟
詞最富因力不逮至己巳春又鳩工鏤板簿書之暇反復
校讐不禁喟然曰伯兄之詞富矣伯兄之遇窮矣伯兄少
年見家門烜赫刻意讀書以爲謝郎捉鼻塵尾時揮不無
聲華裙屐之好多爲旖旎語未幾鼎革先大人裹足窮
鄉誓墓不出家日以促至丙申先大人棄世家益落且
有視予兄弟以爲釜中魚几上肉者各散而之四方或孤
蓬夜雨轆軻歷落或風廊月榭酒槍茶董或逆旅機驅或
河梁賦別或千里懷人或一堂燕樂或鬚髯奮張酒旗歌
板詠諧狂嘯細泣幽吟無不寓之于詞甚至俚語巷談一
經鏤化居然典雅真有意到筆隨春風物化之妙計四百

一十六調其詞一千六百五十九闕分編三十卷自唐宋元明末有如吾伯兄之富且工也嗚呼南宋李涪兄弟花萼詞集後世稱之余少孤失學碌碌無可表見輒爲涕淚今讀伯兄之詞能不愴予之燕落而重有愧于前人也哉
康熙二十八年歲次己巳季冬朔八日弟宗石謹跋于安平官署之彊善堂

跋

迦陵陳先生詞集三十卷余師子萬先生刊竟小子璠受
讀之喟然曰從不文章爲性命朋友骨肉之遇蓋有天焉
作者固難述者正不易也昔摩詰歿弟縉上詩五百餘篇
輞川得不朽尙友者覽其高義未嘗不慷慨歎歎以爲有
弟如斯夫復何憾先生與余師皆少保公孫處士公
子家聲舊矣先生生而穎異少爲黃門舍人樓山吉士諸
前輩所賞識嗣與梅村合肥西樵阮亭豹人字台文友程
邨諸先生相唱和無不嘆爲驚才絕艷不意先生晚拜一
官遽歿史館余師收其遺帙如傀儡體詩文咸捐俸彙刻而
詩餘最富蓋千餘闕云靈思杳忽蘸墨欲飛隨筆所之天
機鏗鎔勃發凡可歌可泣者胥寓于詞洵飄飄然空前而

絕後矣夫紅杏花影一經品題便成佳話倘鐵板聲歌卽
蘇髯風流亦難如而也作述之際豈非天哉嗚呼先生往
矣瀨氣長存子山無零落之憂者伊維余師之力能不令
人低徊于死生兄弟之間也乎細雨夢回小樓昨夜迎陵
有知應必賦棠棣于九京矣博陵後學吳璠與若謹跋